

На Господи воззвах стихіры, глас 1:

О, преславное чúdo, / подвижник благочестия в Сарове является / и
молитвенник к Богу тёплый / Серафим пречудный нам бывает; /
веселися, обитель Саровская, / имущи в себе мóщи преподобного; /
взыграйте, православных мно́жества, / предивного Серафима имуще
в беда́х заступника и вопиюще к нему́: / ра́дуйся, свети́льниче
Русския земли́, / тьмы́ сопроти́вных далéче отрева́й / и Господеви
моли́ся // дарова́ти душáм нáшим мíр и вéлию мíлость.

О, дівное чúdo, / се́ бо воістинну во обітели Саровстей /
благочестия стóлп непоколебímый — / Серафим блажénный является
нам, / тёмже, богомúдрых собóри, / на высотú дúхом возносі́тесь, /
к преподóбному вопиюще: / преподóбне óтче Серафíме, / Господеви
моли́ся // дарова́ти душáм нáшим мíр и вéлию мíлость.

Дівны Твоя́ та́йны, Христé Бо́же, / я́ко дарова́л еси́ нам
свети́льника — преподóбного Серафíма, / Благовёрному Царю́
нашему на сопроти́вныя крéпкого побóрника, / ино́ком и всём
правосла́вным христиáном моли́твенника, / святéй обітели похвалу́ и
утверждéние; / то́й и ны́не мо́лит Тя, Господи, // дарова́ти душáм
нашим мíр и вéлию мíлость.

Блаже́нна оби́тель Сара́вская, / иму́щи тебе́, преподо́бне о́тче
 Серафа́ме, / добродете́лей сокрови́ще, сосу́д чистоты́, / целому́дрия
 храни́теля, / приятелище благода́ти, исто́чник исцелéний, / боля́щим
 врачá безме́здна, / по́стника и́стинна, / в ско́рбех утёшителя, /
 житейскими страстьми́ обурева́емым т́хое пристáнище; / на́м же,
 творя́щим честну́ю па́мь твою́, / моли́, преподо́бне о́тче
 Серафа́ме, // дарова́ти ми́р и ве́лию ми́лость.

Дне́сь ликуют собо́ри ве́рных / в па́мь твою́, преподо́бне
 Серафа́ме, / и велегла́сно вопи́ют: / ты́, любве́ ра́ди Христо́вы / вся́
 кра́сная ми́ра оста́вив / и в пусты́ню Сара́вскую всели́вся, / ника́коже
 устращи́лся еси́ невидимых вра́г боро́ения, / но сия́ моли́твами твои́ми,
 я́ко пра́х, отмети́л еси́; / те́мже Го́сподеви моли́ся // дарова́ти душа́м
 на́шим ми́р и ве́лию ми́лость.

Сла́ва, гла́с 8:

Прииди́те, ве́рных собо́ри, / похва́льными пе́снями дне́сь
 пречу́днаго отца́ просла́вим / и си́це ему́ возопи́м: / преподо́бне о́тче
 Серафа́ме, / вои́стинну сподо́бился еси́ божество́нныя жи́зни, / при́йм
 от Бо́га венéц нетле́нныя сла́вы, / сего́ ра́ди оби́тель Сара́вская тобо́ю
 хва́лится, / лю́дие же, зря́ще честну́ю ра́ку моще́й твои́х / и чудеса́
 быва́емая, / сла́вят прославля́ющаго тя́ Го́спода, / Емуже́ моли́ся,
 преподо́бне, // дарова́ти душа́м на́шим ми́р и ве́лию ми́лость.

На литіи, глас 1:

Кіими похва́льными венцы́ / венча́им подви́жника вели́каго,
преподо́бнаго Серафа́има? / То́й бо, я́ко наста́вник до́брый, /
в твёрдости ве́ры и добродётели яви́ся, / богодухнове́нными
уче́нии и равноа́нгельным жити́ем / приходя́щия к нему́ науча́я. /
Те́мже вопи́ем ему́: / моли́ся, преподо́бне, Христу́ Бо́гу, /
правосла́вную ве́ру утверди́ти // и душа́м на́шим спасти́ся.

Прииді́те, інок мно́жества, / днёсь преподо́бнаго благоче́стно
восхва́лим, / істиннаго ученика́ Спа́сова, / мирску́ю прелесть
попра́вшаго, / ярем Христо́в на ра́мо взёмшаго и полки́ бесо́в
посрами́вшаго. / К нему́же возопи́им си́це: / не забу́ди нас, о́тче
Серафа́име, // восхваля́ющих и чту́щих святу́ю па́мять твою́.

Сла́ва, глас 5:

Ра́дуйся днёсь, вся́ Русская землё, / и святая́ оби́тель Саро́вская,
весели́ся. / Ве́рных же мно́жества, стéкшеся днёсь, / просла́вим
преподо́бнаго отца́, па́стыря и учи́теля, / богому́драго наста́вника
заблуждшим, / ско́раго все́х боля́щих целі́теля, / Русския земли́
вели́кое украше́ние, / е́гоже похваля́юще, си́це рце́м: / преподо́бне
Серафа́име, // спаси́ нас моли́твами твои́ми.

На стихóвне, глас 5:

Рáдуйся, Ангелом собесéднице, / преподóбне Серафíме, /
 благочéстно бо на землi пожíв, / мно́ги, приходя́щие к тебе́, / стра́ху
 Госпо́дню поучáл еси́; / благодáтию Пресвята́го Ду́ха озаря́емь, / зрél
 еси́ б́дущая, я́ко настоя́щая, / и умилéния и ра́дости / мно́ги
 скорба́щие душе́ю исполня́л еси́. / Те́мже мо́лим ти ся: // моли́ся
 Го́сподеви о чту́щих тя.

Рáдуйся, заблúждших учите́лю предíвный, / Христа́ Го́спода во
 хра́ме со архáнгелы и Ангелы / ви́дети спóдобивыйся. / И ны́не,
 преподóбне, на небесéх Того́ зрéния вýну наслажда́ясь, / моли́ся
 о нас, // ве́рою творя́щих па́мять твою́.

Сла́ва, глас 6:

Преподóбне óтче Серафíме, / кто́ испове́сть труды́ тво́я и
 болéзни? / Или́ кий́ язы́к изрече́т жесто́кое пусты́нное твоё́ жити́е, /
 бде́ние же и поще́ние, / ещё́ же в затво́ре пребыва́ние, / усте́н
 безмо́лвие и моле́ние непреста́нное? / Вои́стинну яви́лся еси́
 по́стником украше́ние, / моли́твенник к Бо́гу непосты́дный. / Те́мже к
 тебе́ вопи́ем: / ра́дуйся, ино́ческаго жити́я пра́вило; / ра́дуйся, в
 беда́х и ско́рбех вели́кое утеше́ние / и те́плый все́м предста́телю. //

Моли́ся, преподóбне, спасти́ся душа́м на́шим.

От юности Христа возлюбил еси, преподобне, / и Тому Единому поработати пламенно вожделем еси, / в пустынном житии твоём непрестанною молитвою и трудом подвизался еси, / умиленным сердцем любовь Христова стяжав, / Небесным Серафимом в песнословии споборниче, / в любви притекающим к тебе Христу подражателю, / темже избранник возлюблен Божия Матере явился еси, / сего ради вопием ти: / спасай нас молитвами твоими, радости наша, / тёплый пред Богом заступниче, // Серафиме блаженне.

Тропарь на преставление, глас 4:

От юности Христа возлюбил еси, блаженне, / и Тому Единому работати пламенно вожделем, / непрестанною молитвою и трудом в пустыни подвизался еси, / умиленным же сердцем любовь Христова стяжав, / избранник возлюблен Божия Матере явился еси. / Сего ради вопием ти: // спасай нас молитвами твоими, Серафиме, преподобне отче наш.

Кондак, глас 2:

Мира красоту и яже в нём тленная оставив, преподобне, / в Саровскую обитель вселился еси, / и тамо Ангельски пожив, / многим путь был еси ко спасению, / сего ради и Христос тебе, отче Серафиме, прослави / и даром исцелений и чудес обогати. / Темже вопием ти: // радуйся, Серафиме, преподобне отче наш.

Прокі́мен: Честна́ пред Го́сподом / сме́рть преподо́бных Его́.

Слава... / молитвами преподобного Серафима...

По 50-м псалме́ стихі́ра, гла́с 6:

Дне́сь, ве́рнии, духо́вно торже́ствующе / в на́рочитом пра́зднице
преподо́бнаго отца́, / и благоче́стно ра́дующеся, / то́му те́пле
возопи́м: / ра́дуйся, Серафа́име блаже́нне; / ра́дуйся, небе́сный
челове́че и земны́й Ангеле; / ра́дуйся, мно́гих на пу́ть спасе́ния
наста́вивый; / ра́дуйся, Благове́рному Царю́ на́шему похвало́ и
Русстей земли́ утвержде́ние; // моли́ся о душа́х на́ших.

На хвалітех, глас 8:

Блажэнне óтче Серафíме, / Христóви воістинну послéдовал есі, /
братолóбием и незлóбием всéх к себé прывлекáя, / крóтостию же и
смирéнием / мнóги добродéтельному путі научáя. / Тёмже любóвию
пáмьць твою, // преподóбне Серафíме, ублажа́ем.

Сла́ва, глас 6:

Прииді́те, і́ноков собо́ри и по́стников сослóвие, / прииді́те,
христоимені́тых людéй мнóжества, / пё́снями і́стиннаго по́стника
почті́м, вопи́юще: / ра́дуйся, по стопа́м Влады́ки Христа́ ў́зким путём
управля́емый, / и притека́ющим к тебé в беда́х и ско́рбех ско́рый
помо́щниче, / и спасéния ходáтаю преді́вный; / ра́дуйся, да́ром
проро́чества укра́шенный, / прорица́й, я́ко настоя́щая, гряду́щая, /
моли́ся, преподóбне Серафíме, // о чту́щих ве́рою и любóвию святу́ю
пáмьць твою.

И ны́не, глас тойже:

Богорóдице, Ты́ есі́ лоза́ і́стинная, / возрасти́вшая на́м пло́д
живота́, / Тебе́ мо́лимся, моли́ся Влады́чице / со святы́ми апостолы, //
помі́ловати ду́ши на́ша.